



## PAENITENTIARIA APOSTOLICA

Prot. N. 478/20/1

### DECRETUM

PAENITENTIARIA APOSTOLICA, attentis precibus die XXV Maii MMXX porrectis ab Exc.mo ac Rev.mo P. D.no Francisco Iesu Orozco Mengibar, Episcopo Guadicensi, de mandato Ss.mi Domini Nostri Francisci Pp., propter epidemiam morbi "covid-19" per praesentes prorogat usque ad diem XXX Augusti MMXXI, omnia et singula spiritalia beneficia, vi Rescripti Huius Apostolicae Paenitentiariae die XXVII Augusti MMXIX (Prot. N. 1160/19/1), iam a die XXX Augusti MMXIX usque ad diem XXX Augusti MMXX concessa occasione centesimi quinquagesimi anniversarii, ex quo hisce in terris ortus est et Baptismum accepit Beatus Emmanuel Medina Olmos, Episcopus Guadicensis, qui die XXX Augusti MCMXXXVI, una cum Didaco Ventaja Milan, Episcopo Almeriensi, in odium nominis christiani in carcerem a fautoribus rei publicae ductus, iniurias ac contumelias patienter tulit, donec noctu trucidatus est.

Profecto ex prorogata largitate Ecclesiae christifideles haurient pia proposita et spiritale robur vitae ad legem Evangelicam traducendae, in hierarchica communionem et filiali devotione erga Summum Pontificem, Catholicae Ecclesiae visibile fundamentum, et proprium sacrorum Antistitem.

Contrariis quibuscumque minime obstantibus.

Datum Romae, ex aedibus Paenitentiariae Apostolicae, die XXVIII Maii, anno Dominicae Incarnationis MMXX.

*Maurus Carol. Piacezza*  
MAURUS Card. PIACENZA  
Paenitentiaris Maior

*Christophorus Nykiel*  
CHRISTOPHORUS NYKIEL  
Regens